

SULIT

**KURSUS PENGAJIAN AL-QURAN & AL-SUNNAH
AKADEMI PENGAJIAN ISLAM
UNIVERSITI MALAYA**



**PEPERIKSAAN
KURSUS PENGAJIAN AL-HADITH**

MODUL 2

HADITH-HADITH MENGENAI KEPIMPINAN & PEMERINTAHAN

JANUARI 2019

MASA : 1 JAM

JANGAN BUKA KERTAS SOALANINI SEHINGGA DIBERITAHU

Arahan:

1. *Calon tidak dibenarkan membawa masuk ke dalam dewan peperiksaan apa jua barang atau dokumen yang tidak dibenarkan.*
2. *Kertas soalan ini mengandungi **dua (2)** soalan dan setiap soalan mempunyai **25 markah**.*
3. *Calon dikehendaki menjawab **satu (1)** soalan sahaja.*
4. *Jawapan hendaklah ditulis dalam kertas jawapan yang disediakan. Sekiranya ruang jawapan tidak mencukupi, sila dapatkan helaian tambahan daripada pengawas peperiksaan.*

Kertas soalan ini mengandungi **3** halaman bercetak termasuk muka hadapan

[Lihat Halaman Sebelah
SULIT

Arahan : Sila jawab **satu (1)** soalan sahaja.

SOALAN PERTAMA

Soalan pertama adalah berdasarkan terjemahan hadith di bawah:

Daripada Abi Musa (R.A) katanya: “Aku telah masuk bertemu dengan Nabi SAW bersama dua orang lelaki daripada keturunan Bani ‘Ammy, lalu salah seorangnya berkata [kepada Rasulullah]: “*Wahai Rasulullah, lantiklah kami dalam sebarang urusan kepimpinan yang telah Allah Azzawajal berikan kepada kamu*”. Dan seorang lagi pun mengatakan yang demikian. Lalu [Rasulullah SAW] bersabda: “*Sesungguhnya kami – demi Allah- tidak akan memberikan [amanah kepimpinan] ini kepada sesiapa pun yang memintanya, dan tidak juga memberikan kepada sesiapa yang berusaha [mendapatkannya]*”

(Muttafaqun ‘Alayh)

(1) Jelaskan secara ringkas biodata perawi hadith di atas.

(2 markah)

(2) Jelaskan pandangan Islam dalam isu meminta-minta jawatan kepimpinan.

(5 markah)

(3) Huraikan apa yang dapat dijadikan pengajaran daripada maksud petikan-petikan di bawah dalam konteks realiti kepimpinan zaman moden hari ini:

(a) “*Tidak memberikan [amanah kepimpinan] kepada sesiapa yang memintanya..*”

(6 markah)

(b) “*Tidak memberikan [amanah kepimpinan] kepada sesiapa yang berusaha mendapatkannya...*”

(6 markah)

(4) Berdasarkan mesej utama hadith di atas, huraikan **dua (2)** aspek yang amat dititikberatkan oleh Islam dalam persoalan perlantikan kepimpinan.

(6 markah)

SOALAN KEDUA:

Soalan kedua adalah berdasarkan petikan hadith di bawah:

“Daripada Ma‘qal bin Yassar al-Muzani katanya: “Sesungguhnya aku telah mendengar Rasulullah SAW telah bersabda: “Tiadalah seorang hamba yang Allah berikannya rakyat (menjadikannya pemimpin), yang pada hari kematianya dia mati dalam keadaan menipu rakyatnya melainkan Allah mengharamkan baginya syurga”

[Diriwayatkan Oleh Muslim]

(1) Jelaskan secara ringkas biodata perawi hadith di atas.

(2 markah)

(2) Huraikan secara ringkas mesej utama hadith di atas.

(3 markah)

(3) Jelaskan dosa besar dalam aspek kepimpinan berdasarkan hadith di atas.

(4 markah)

(4) Berdasarkan contoh-contoh yang sesuai:

(a) Bincangkan **dua (2)** kepentingan prinsip ketelusan dalam kepimpinan Islam pada masa kini.

(8 markah)

(b) Huraikan **dua (2)** langkah yang efektif dalam menyuburkan budaya berintegriti dalam kepimpinan.

(8 markah)

KERTAS SOALAN TAMAT